



basic education

Department:
Basic Education
REPUBLIC OF SOUTH AFRICA

NASIONALE SENIOR SERTIFIKAAT

GRAAD 12

AFRIKAANS TWEEDE ADDISIONELE TAAL V1

FEBRUARIE/MAART 2011

NOORD-KAAP

PUNTE: 120

TYD: 2½ uur

Hierdie vraestel bestaan uit 19 bladsye.

INSTRUKSIES EN INLIGTING

1. Hierdie vraestel bestaan uit VIER afdelings.

AFDELING A	Kyk- en Leesbegrip	VRAAG 1 – 2	30 punte
AFDELING B	Opsomming	VRAAG 3	10 punte
AFDELING C	Taal	VRAAG 4 – 7	60 punte
AFDELING D	Letterkunde	VRAAG 8 – 10	20 punte
2. Lees die instruksies noukeurig deur.
3. Beantwoord AL die vrae.
4. Begin ELKE afdeling op 'n NUWE bladsy.
5. Nommer die antwoorde korrek volgens die nommeringstelsel wat in hierdie vraestel gebruik word.
6. Laat 'n reël oop na elke antwoord.
7. Skenk veral baie aandag aan spelling en sinskonstruksie.
8. Skryf netjies en leesbaar.

AFDELING A: KYK- EN LEESBEGRIP**VRAAG 1: TYDSKRIFARTIKEL**

Lees die artikel hieronder en beantwoord die vrae.

VIVA 2010

1. Waar in die wêreld is jy? Daar is mense – oud en jonk – wat geel, groen en wit brilrame en verskillende hoede dra. Op die stadions waai vlae en jy hoor die harde geraas van vuvuzelas ... dis 2010 en jy kan nêr in Suid-Afrika wees.
2. Ja, dis die sokkerwêreldbeker soos net óns dit kan doen. Almal is vriendelik en deel alles met mekaar. In Sandton, waar die Bafana-Bafana bly, belowe die eienaar buite sy eetplek: “Gratis pizza vir die res van jou lewe as Bafana-Bafana die wêreldbeker wen.” En somer vir die lekkerte, kry elke gas ’n bier as Italië of Bafana-Bafana ’n doel skop.
3. Almal is skielik op pad iewers heen. As hulle nie self by ’n stadion kan wees nie, kuier hulle iewers saam met toeskouers by ’n grootskerm-TV.
4. Kaapstad word oornag ’n bymekaarkomplek vir mense van alle lande. ’n Saal in Seepunt het skielik ’n “Little Brazil” geword, ’n plek waar al die Brasiliane saam kuier.
5. Daar is baie sokker-items te koop: uit Kenia handsakke met sokkerballe op; Kersbome wat met sokkerballe mooi gemaak is; draadkarre met verskillende vlae en natuurlik daardie Afrika-sambreelhoede – *sundelas*. Ons Suid-Afrikaanse vuvuzela is ’n internasionale treffer – duisende is verkoop!
6. In Newtown, Johannesburg, is daar groot foto’s van die Bafana-Bafana teen die Nelson Mandela-brug geplak. Al die Suid-Afrikaners skreeu net vir een span: Bafana-Bafana! In Sandton is ’n blink glasgebou waarin groot vlae en baie sokkerballe hang om darem ook al die ander lande se spanne tuis te laat voel.

7. Tydens die hele toernooi was die veiligheid, die publieke vervoer, die blyplekke en kuierplekke op internasionale standaard. Die wêreld was baie beïndruk.
8. Bafana-Bafana het van die beste spanne gewen. FIFA was baie tevrede met die Suid-Afrikaanse toernooi. Buitelandse besoekers het ons mooi land geniet en wil weer kom kuier. Al het Bafana-Bafana nie die sokkertoernooi gewen nie, is Suid-Afrika en die Suid-Afrikaners wenner!
9. Nou, selfs lank na die toernooi, hang daar nog steeds orals vlae langs die pad waarop die volgende woorde verskyn:
“Wen of verloor, ons is trotse Suid-Afrikaners!”

[Verwerk uit: *Huisgenoot*, 17 Junie 2010]

- 1.1 Voltooi die volgende sin deur die KORREKTE antwoord te kies.

Die titel van die leesstuk is gepas, omdat mense ...

- A 2010 as 'n jaar sonder aksie beskou.
B min planne vir 2010 gehad het.
C 2010 nie maklik sal vergeet nie.
D nie meer in 2010 belangstel nie. (1)

- 1.2 Kies die KORREKTE woord.

Die artikel vertel van iets wat (verlede/voorverlede) jaar gebeur het. (1)

- 1.3 1.3.1 Is die volgende stelling WAAR of ONWAAR?

Daar was nêr jongmense by die sokkerwedstryde. (1)

- 1.3.2 Motiveer jou antwoord op VRAAG 1.3.1 deur DRIE OPEENVOLGENDE woorde uit paragraaf 1 neer te skryf. (1)

- 1.4 Sommige brilrame is groen, noem nog TWEE ander kleure. (2)

- 1.5 Watter instrument word gebruik om die Suid-Afrikaanse sokker-atmosfeer te skep? (1)

- 1.6 Voltooi die onderstaande sin.

Die pizzaseienaar sal vir almal gratis pizzas gee as (1)

- 1.7 Skryf EEN WOORD uit paragraaf 2 neer wat sê dat die gaste nie vir die pizzas hoef te betaal nie. (1)

- 1.8 Vir watter TWEE lande ondersteun die eetplekeienaar? (2)

1.9 In watter Suid-Afrikaanse stad het verskillende lande se mense bymekaar gekom en lekker gekuier? (1)

1.10 Kies die antwoord uit KOLOM B om by die plekke in KOLOM A te pas. Skryf slegs die letter (A – E) langs die vraagnommer (1.10.1 – 1.10.5) neer.

KOLOM A		KOLOM B
1.10.1	Newtown	A 'n saal in Seepunt
1.10.2	“Little Brazil”	B handsakke
1.10.3	Sandton	C 2010 sokkerwêreldbeker
1.10.4	Kenia	D 'n brug met foto's
1.10.5	Suid-Afrika	E 'n glasgebou
		F 'n grootskerm-TV

(5 x 1) (5)

1.11 Hoe anders kon mense na die wedstryde kyk as hulle nie by die stadions was nie? (1)

1.12 Kies VIER KORREKTE redes waarom Suid-Afrikaners trots kan wees.

Skryf net die KORREKTE letters (A – F) neer.

- A Bafana-Bafana het nie al hul wedstryde verloor nie.
- B Die wedstryde kon slegs by die stadions gesien word.
- C Die besoekers het gedink dat ons 'n mooi land het.
- D FIFA sê dat Suid-Afrika 'n onsuksesvolle land was.
- E Die buitelandse mense het lekker hier gekuier.
- F Al die Suid-Afrikaners het saam Bafana-Bafana ondersteun.

(4)
[22]


VRAAG 2: ADVERTENSIE

Lees die advertensie hieronder en beantwoord die vrae.



Gebruik **QUIT SMOKING** orals en enige tyd.
Dit sal jou help om op te hou rook.

QUIT SMOKING is nikotienvry.
Dit bestaan uit **NATUURLIKE SUID-AFRIKAANSE KRUIE**.



**"Ek en my seun
het opgehou rook danksy
Quit Smoking."**

**"Glo my, ons het alles
probeer en
Quit Smoking
werk regtig!"**

Mnr. A. Nel

* Beskikbaar by u naaste apteek of gesondheidswinkel.

KOOP SUID-AFRIKAANS!


[Verwerk uit: *Huisgenoot*, Februarie 2009]

- 2.1 Noem EEN plek waar jy *Quit Smoking* kan koop. (1)
- 2.2 Waarvan is *Quit Smoking* gemaak? (1)
- 2.3 Hoe het dié produk mnr. Nel en sy seun gehelp? (1)
- 2.4 Voltooi die volgende sin deur die KORREKTE antwoord te kies
- “Quit Smoking” is met groot letters geskryf, om ...
- A die advertensie pragtig te maak.
B mnr. Nel se woorde te beklemtoon.
C die leser lus te maak vir rook.
D die leser se aandag te trek. (1)
- 2.5 In watter land word hierdie produk gemaak? (1)
- 2.6 Wanneer kan 'n mens 'Quit Smoking' gebruik? (1)
- 2.7 Skryf EEN woord neer wat bewys dat *Quit Smoking* sonder nikotien is. (1)
- 2.8 Voltooi die volgende sin deur die KORREKTE antwoord te kies.
- Hoe pas die prentjie van die sigaret wat doodgedruk word, by die produk?
- Dit wys dat die produk ...
- A rookvry is en oral gebruik kan word.
B mense help om op te hou rook.
C skadeloos kan wees.
D uit 100% kruie gemaak is. (1)

[8]**TOTAAL AFDELING A: 30**

AFDELING B: OPSOMMING**VRAAG 3: REIS VEILIG PER TAXI**

- Som die WENKE oor hoe jy veilig per taxi kan reis, in JOU EIE SEWE VOLSINNE op.
- Moenie net die opskrif by elke nommer (bv. Wees betyds, Maak veiligheidsgordel vas, Sit stil, ens.) oorskryf nie.
- Jou opsomming moet 60 woorde wees.
- Die opsomming moet puntsgewys (1 – 7) opgesom word.
- Skryf die getal woorde onder aan die opsomming.

[Verwerk uit: *Huisgenoot*, 1 Oktober 2009]**REIS VEILIG PER TAXI****1. WEES BETYDS**

Taxi-bestuurders het baie mense wat hulle deur die dag oral moet oplaai. Hulle wag nie vir laatslapers nie. Sorg dat jy betyds by die staanplek is.

2. KLIM VERSIGTIG IN

Wag totdat die taxi heeltemal tot stilstand kom, voordat jy inklim. Jy kan omgery word of val as jy in 'n bewegende taxi probeer inklim. Taxi's trek gewoonlik vinnig weg.

3. HANTEER BAGASIE VERSIGTIG

Moenie jou bagasie op jou skoot hou nie. Daar is ruimte vir bagasie agter in die taxi. Laai jou bagasie daarin. Los bagasie kan jou beseer as die taxi vinnig stop.

4. MAAK VEILIGHEIDSGORDEL VAS

Maak jou veiligheidsgordel vas sodra jy sit. Die veiligheidsgordel sal jou beskerm as daar 'n ongeluk plaasvind.

5. SIT STIL

Moenie rondbeweeg terwyl die taxi ry nie. Dit kan 'n ongeluk veroorsaak. Baie mense is al so beseer.

6. MOENIE UITHANG NIE

Taxi's ry vinnig naby mekaar verby. As jy langs die venster sit, moet jy nie jou hande of arms by die venster uitsteek nie. Jy kan ernstig beseer word of 'n ongeluk veroorsaak.

7. WEES GEDULDIG

Wanneer die taxi stilhou, wil almal gewoonlik vinnig uitklim. Só kan mense maklik beseer raak. Wag vir ander mense om eerste uit te klim.

TOTAAL AFDELING B: 10

AFDELING C: TAAL**VRAAG 4: WOORDSTRUKTURE**

Kyk na die prente en beantwoord die vrae.

ZITTS

[Uit: Die Burger, 8 Junie 2010]

- Volg die instruksies in die regterkantste kolom om die regte antwoorde in die linkerkantste kolom te gee.
- Skryf net die vraagnommer en die korrekte antwoord neer.
- Antwoorde op VRAAG 4.1 – 4.23 moet korrek gespel wees.

Zitts en sy (4.1 pa en ma) is 'n gelukkige (4.2 gesin/familie) wat die mooi en rustige (4.3 dorp+lewe) baie geniet. Zitts vra vir sy pa om vir (4.4 hom/hy/haar) geld te gee. Hulle het 'n (4.5 goed/goeie) verhouding en hulle verstaan mekaar.	4.1	Gee EEN WOORD.	(1)
	4.2	Kies die KORREKTE antwoord.	(1)
	4.3	Gee die KORREKTE samestelling.	(1)
	4.4	Kies die KORREKTE voornaamwoord.	(1)
	4.5	Kies die KORREKTE antwoord.	(1)
Sy pa het hom van (4.6 kleins/klein) af geleer hoe om slim en verantwoordelik te wees, maar Zitts is (4.7 slim) as wat Pa gedink het.	4.6	Kies die KORREKTE antwoord.	(1)
	4.7	Gee die KORREKTE trap van vergelyking.	(1)
Zitts en sy (4.8 maats) het besluit om 'n flik te gaan kyk, maar hy het nie geld om (4.9 vir+dit) te betaal nie. Hy het dus besluit om (4.10 elke week) iets te doen om sy sakgeld te verdien.	4.8	Gee die sinoniem.	(1)
	4.9	Gee EEN WOORD.	(1)
	4.10	Gee EEN WOORD.	(1)
Toe Pa huis toe gekom het en (4.11 baie moeg) (4.12 op/in/oor) die rusbank gaan lê het, het Zitts gevra of hy die kombi vir (4.13 R50) kon was.	4.11	Gee die intensiewe vorm.	(1)
	4.12	Kies die KORREKTE voorsetsel.	(1)
	4.13	Skryf die bedrag in woorde.	(1)
Dit was nou al die (4.14 vierde/fierde) keer dat Zitts 'n plan beraam het om geld in die hande (4.15 ...) kry.	4.14	Kies die KORREKTE antwoord.	(1)
	4.15	Voltooi die infinitief.	(1)

Hy vra toe: "Pa, kan ek (4.16 asb.) betaal word om die kombi te was?" Pa antwoord dat daar 'n klein (4.17 emmer) en baie (4.18 borsel) in die motorhuis is. Zitts dink dat dit 'n (4.19 sleg) plan is, want dit beteken dat hy die motor self moet was.	4.16 4.17 4.18 4.19	Skryf die afkorting voluit. Gee die verkleiningsvorm. Gee die meervoud. Gee die KORREKTE vorm.	(1) (1) (1) (1)
Zitts weet nie of hy die (4.20 dogters) in sy klas moet vra om hom te (4.21 help/hulp) nie. Nou probeer hy nog 'n (4.22 bietjie/bikkie) harder om meer geld in die hande te kry.	4.20 4.21 4.22	Gee die antoniem. Kies die KORREKTE antwoord. Kies die KORREKTE spelling.	(1) (1) (1)
Aikôna! Dis moeilik om sy pa om die (4.23 bos/baan) te lei.	4.23	Kies die KORREKTE antwoord om die idiomatiese uitdrukking te voltooi.	(1)

[23]**VRAAG 5: SINSTRUKTURE**

Kyk na die prent en beantwoord die vrae.

[Uit: *Lig*, Mei 2008]

5.1 Skryf die sin in die verlede tyd.

Oom Daan-hulle beplan lank voor die tyd vir hierdie kuiery.
(Oom Daan-hulle ... lank voor die tyd vir hierdie kuiery ...)

(2)

5.2 Skryf die sin in die teenwoordige tyd.

Hulle het baie vroeg die oggend vertrek.
(Hulle ... baie vroeg die oggend.)

(1)

5.3 Skryf die sin in die toekomstige tyd.

Die kinders is baie opgewonde oor die vakansie.
(Die kinders ... baie opgewonde oor die vakansie ...)

(2)

- 5.4 Verbind die sinne met die woord tussen hakies.
Ma het die getoet van die motor gehoor. Sy loer by die venster uit. (daarom) (1)
- 5.5 Skryf die sin in die infinitief.
Ma is verbaas toe sy die Burger-gesin sien.
Begin so: Ma is verbaas om ... (1)
- 5.6 Skryf die sin in die lydende vorm.
Oom Daan bestuur die motor.
(Die motor ... Oom Daan ...) (2)
- 5.7 Skryf die sin in die ontkenende vorm.
Die Burger-gesin het iets vir Ma gebring.
(Die Burger-gesin het ... vir Ma gebring ...) (2)
- 5.8 Skryf 'n vraag neer waarvan die onderstreepte deel die antwoord sal wees.
Oom Daan-hulle is opgewonde oor die vakansie.
Begin so: Waaroor ... (2)
- 5.9 Voltooi die infinitief.
Ma moet al die smaaklike kos kook.
(Ma behoort al die smaaklike kos ...) (1)
- 5.10 Skryf die sin in die indirekte rede.
Klein Jafta vra: "Waar is die badkamer?"
(Klein Jafta vra waar ...) (1)
- 5.11 Skryf die sin met die KORREKTE woordorde oor.
Die kinders gaan haastig na die park toe elke oggend.
(Die kinders gaan ...) (3)
- 5.12 Skryf in die ontkenende vorm.
Daar is 'n bondel bagasie op die dak van die motor.
(Nee, daar is ... 'n bondel bagasie op die dak van die motor) (2)
- 5.13 Kies die KORREKTE antwoord.
Die uitdrukking op Ma se gesig toe sy deur die venster loer, bewys dat sy ... is omdat daar mense kom kuier het.
A opgewonde
B bly
C verbaas
D tevrede (1)

[21]

VRAAG 6: REDIGERING

Kyk na die prent en beantwoord die vrae.



Eric wil saam met sy maats uitgaan en wil sy pa se motor gebruik.

[Clip Art]

Skryf die sinne korrek oor en onderstreep die fout(e) wat jy reggemaak het.

6.1 Verbeter die woordordefout.

Eric wil saam gaan met sy maats na die matriekpartytjie toe.
(Eric wil saam ...)

(1)

6.2 Kies die KORREKTE voorsetsel.

Sy pa is bekommerd (vir/oor/met) die tyd wanneer Eric terugkom.

(1)

6.3 Kies die KORREKTE antwoord.

Eric moet teen (tenuur/tien uur/tien-uur) huis toe kom.

(1)

6.4 Verbeter die taalfout.

Hy hoef nie na Pa luister nie.

(1)

6.5 Vul die ontbrekende leesteken in.

Hoe laat sien jy kans om huis toe te kom

(1)

6.6 Gee die KORREKTE vorm.

Eric se lank hare pas mooi by die klere wat hy dra.

(1)

6.7 Kies die KORREKTE antwoord.

Soms kan Pa soos 'n leeu (blaf/brul) as iemand sy motor wil gebruik. (1)

6.8 Verbeter die ontkenningsfout.

Eric sal nie die motor roekeloos bestuur. (1)

6.9 Kies die KORREKTE vergelyking.

Eric is altyd so koel soos 'n (koeldrank/komkommer) as sy pa met hom praat. (1)

6.10 Kies die regte voegwoord.

Eric is ongelukkig (omdat/want) hy 'n kwaai pa het. (1)

6.11 Kies die KORREKTE vertaling.

Eric is happy and he takes the keys.

Eric is ...

- A bly en hy neem die sleutels.
- B tevrede en neem hy die sleutels.
- C bly en hy die sleutels neem.
- D tevrede en die sleutels hy neem.

(1)
[11]

VRAAG 7: KYK EN KOMMUNIKEER

Lees die situasie en voer die opdrag uit.



- 7.1 SITUASIE: Molefi is besig met sy huiswerk. Die kinders blaas vuvuzelas net buite sy kamervenster. Hy is **kwaad**, maak sy ore toe en skree vir hulle om op te hou.

OPDRAG: Hoe sal Molefi **KWAAD** aan die kinders skree sodat hulle moet **OPHOU** om die vuvuzelas te blaas?

Voltooi die sin in ongeveer 5 – 10 woorde.

Molefi skree: “Ek probeer ... , hou ...!”

(2)



- 7.2 SITUASIE: Thabang is 'n boelie. Hy is in graad 12 en hou daarvan om die graad 8-leerders te boelie. Die graad 8-leerder **PLEIT** dat Thabang sy **goed** (geld, selfoon, ens.) nie moet vat nie.

OPDRAG: Wat sal dié graad 8-leerder aan Thabang sê?

Voltooi die sin in ongeveer 5 – 10 woorde.

Die graad 8-leerder sê: “Moet asseblief nie, ...”

(2)

EN



[Clip Art]

- 7.3 SITUASIE: Die seun het gedink dat die meisie oor hom geskinder het. Hy was baie kwaad en toe bel hy haar. Na hulle lang telefoongesprek, besef hy dat hy verkeerd was. Nou vra hy om **verskoning**.

OPDRAG: Wat sal Odwa se woorde aan Hilda, die meisie, wees?

Kies die KORREKTE antwoord.

- A Hilda, dit is nie my skuld nie.
- B Hilda, ek gee nie om nie.
- C Hilda, ek is baie jammer.
- D Hilda, wil jy saamkom, asseblief?

(1)
[5]

TOTAAL AFDELING C: 60

AFDELING D: LETTERKUNDE

Hierdie afdeling bestaan uit TWEE VRAE.

VRAAG 8: *DIE OOREENKOMS* – Dalene Matthee

VRAAG 9: *DIE RAMP* – TT Cloete

Beantwoord EEN van die TWEE vrae.

KINDERS VAN DIE AARDE* – Charles Fryer*VRAAG 8: *DIE OOREENKOMS* – Dalene Matthee**

Lees die uittreksel hieronder en beantwoord die vrae.

Die matrone het die tyding saam met die oggendkoffie vir Jakob geneem. Die verlies van 'n bloedbroer kon nie vir hom swaarder gewees het nie en 'n oomblik het dit gevoel of sy eie tyd ook aangebreek het. Troos wou in sy gemoed nie kom nie, al het die ander inwoners die hele dag gekom en gegaan om die troos te probeer bring. Aan die kos wat hulle vir hom kamer toe gebring het, kon hy sy mond nie sit nie. Matrone het kom sê die waglys is lank, sy sal sê die Bestuur moet so gou as moontlik iemand anders by hom insit. Nee, hy sal liever die hoër losies betaal en alleen in die kamer bly ...

* * *

“Willem,” pleit hy sommer reguit, “Ek dink ons beter die ding maar los. My hart sal nie dié skok nog by die ander skok kan staan nie. Ek het jou nooit gesê nie, ek was my lewe lank maar lugtig vir 'n spokery ...”

Maar die vrees was soos die adder wat in sy slaap gesteur is. Wat roer die gordyn so, is daar dan wind? Hy hoor dan niks ...

Hy moet die lig laat brand. Heelnag. 'n Gees is 'n ding wat in die donker loop. Hy't eenmaal gelees ...

- 8.1 Waar woon Jakob? (1)
- 8.2 Wat was die hoogtepunt in Jakob se lewe? (1)
- 8.3 Kies die KORREKTE woord.
- Jakob en Willem was goeie (maats/broers). (1)
- 8.4 8.4.1 Watter tyding het die matrone vir Jakob gebring? (1)
- 8.4.2 Waarom het dit vir Jakob vir 'n oomblik gevoel of sy eie tyd ook aangebreek het? (1)

- 8.5 Kies die KORREKTE antwoord. Skryf slegs die vraagnommer en die KORREKTE letter neer.

Jakob wil nie 'n kamer met iemand deel nie, omdat ...

- A hy nie die meubels wil deel nie.
- B hy nie 'n vreemde by hom wil hê nie.
- C dit nie toegelaat word nie.
- D die kamer nie groot genoeg was nie.

(1)

“Willem,” pleit hy sommer reguit, “ek dink ons beter die ding maar los.”

- 8.6 Na watter “ding” verwys Jakob? (1)
- 8.7 Wat het Jakob en Willem ooreengekom? (1)
- 8.8 Waarna verwys Jakob as hy sê: “My hart sal nie dié skok nog by die ander skok kan staan nie.” Noem TWEE dinge. (2)
- 8.9 Sê of die volgende stellings WAAR of ONWAAR is en motiveer jou antwoord.
- 8.9.1 Jakob het na Willem se dood elke nag sonder ligte geslaap. (2)
- 8.9.2 Jakob was nie bang vir spoke nie. (2)
- 8.10 Hoekom wil Jakob nie vir Sarah vra om ietsie saam met hom te kom drink nie? (1)
- 8.11 Watter Bybelgedeelte moet volgens Jakob opgesê word, as jy bang is? (1)

“En nou? As die bottel nie wil oopmaak nie? Dis baie snaaks.”

- 8.12 Van watter bottel word hier gepraat? (1)
- 8.13 Hoe het hy die bottel probeer oopmaak toe die prop so vasgesit het? (1)
- 8.14 Hoe laat het die prop losgekom? (1)
- 8.15 Dink jy dat Jakob aan die einde van die verhaal glo dat daar 'n hiernamaals is? Motiveer jou antwoord. (1)

[20]

EN

VRAAG 9: DIE RAMP – TT Cloete

9.1 Lees die onderstaande uittreksel en beantwoord die vrae.

Daar het my vrou baie siek geword. Al geneesheer in die omgewing was 'n afgetrede dokter wat net goed genoeg was om haar hand vas te hou, soos my vrou gesê het. Toe sy erger word, het ek teen hoë koste 'n geneesheer uit Kaapstad laat kom. ...
Toe my vrou beter word, kon sy huis toe gaan, maar alleen per vliegtuig.

9.1.1 Kies die naam van die plek in KOLOM B wat by die stelling in KOLOM A pas. Skryf slegs die vraagnommer (9.1.1.1 – 9.1.1.5) en die letter (A – F) neer, bv. 9.1.1.6 – G.

KOLOM A		KOLOM B
9.1.1.1	Die verteller-hulle was met vakansie.	A Humansdorp
9.1.1.2	Die kleinste het 'n hoë koors ontwikkel.	B Jefferiesbaai
9.1.1.3	Al die aspirine het opgeraak.	C Houtbaai
9.1.1.4	'n Steenbokkie het voor die motor ingehardloop.	D Van Stadenspas
9.1.1.5	'n Klein geel motortjie het op sy dak gelê.	E Swellendam
		F Port Elizabeth

(5 x 1) (5)

9.1.2 Kies die KORREKTE antwoord. Skryf slegs die vraagnommer (a – c) en die letter (A – D) neer, bv. d – B.

(a) Die verteller moes flink deur die nag ry, want hy moes ...

- A 'n baie belangrike vergadering bywoon.
- B die volgende dag werk toe gaan.
- C betyds by die lughawe wees.
- D sy vrou hospitaal toe neem.

(1)

(b) Die dokter se diagnose was ...

- A 'n bloeiende maagseer.
- B longkanker.
- C 'n hartaanval.
- D tuberkulose.

(1)

(c) By Humansdorp het die petroljoggie ...

- A nie geweet waar 'n dokter of 'n apteker woon nie.
- B gewys waar die verteller medisyne kon kry.
- C nie met die verteller gepraat nie.
- D aspirine aan die verteller gegee.

(1)

9.1.3 Hoekom kon die verteller se vrou nie per motor huis toe gaan nie?

(1)

9.1.4 Voltooi die volgende paragraaf deur net die woorde wat uitgelaat is, in te vul. Skryf net die vraagnommer en die KORREKTE antwoord neer.

gestamp; uitgelek; oopgekerf; losgeruk

'n Paar kilometer verder gaan die waarskuwende rooi liggie op die instrumentebord skielik aan. Ek hou stil. Die enjin is gloeiend. Met die botsing teen die bokkie het die verkoeler eenkant (a) ... en teen die waaier (b) ..., wat dit op 'n plek met 'n kwartsirkel (c) ... het. Al die water het intussen daar (d) ...

(4)

9.2 Lees die uittreksel hieronder en beantwoord die vrae.

Die rit was moeilik. Dit het na sonder begin reën, aanmekaar en hard, met 'n sterk wind van die see se kant af skuins van voor.

9.2.1 Hoekom het die kinders gehuil?

(1)

9.2.2 Noem EEN ander ding, behalwe die weer, wat die rit moeilik gemaak het?

(1)

9.3 Lees die uittreksel hieronder en beantwoord die vrae.

Die plan deug. Dis 'n klein, geel Mini-stasiewaentjie wat stilhou. ...

Die ure gaan soos eeue verby. Uiteindelik kom my weldoener saam met die insleepmotor daar aan.

9.3.1 Watter plan van die verteller het gewerk?

(1)

9.3.2 Kies die KORREKTE woord om die sin te voltooi.

Die beeldspraak in "Die ure gaan soos eeue verby" is 'n (vergelyking/metafoor).

(1)

9.3.3 Wat het gebeur toe die verteller sy kop opgelig het?

(1)

9.3.4 Hoekom wou die verteller na Port Elizabeth gesleep word, al was Humansdorp nader?

(1)

9.3.5 Hoekom het die weldoener 'n ongeluk gemaak?

(1)

[20]

TOTAAL AFDELING D:
GROOTTOTAAL:

20**120**